

# AKTIVITI MENDAKI BUKIT DINDING – MPOU



[airforce.mil.my/berita/berita-dari-pangkalan/4662-aktiviti-mendaki-bukit-dinding-mpou](http://airforce.mil.my/berita/berita-dari-pangkalan/4662-aktiviti-mendaki-bukit-dinding-mpou)



KUALA LUMPUR, 13 Mac – Bagi edisi kedua bulan Mac 2019, sesi sukan petang MPOU diteruskan dengan aktiviti Mendaki Bukit Dinding yang terletak di Timur Laut Setiawangsa, dalam daerah Wangsa Maju. Bukit setinggi 291M (1000Kaki) adalah antara bukit yang tertinggi yang dicatatkan di Lembah Klang.

Berbeza dengan aktiviti pendakian sebelum ini, MPOU turut menjalankan aktiviti jiwa murni iaitu mengutip sampah disepanjang laluan pendakian. Usaha ini bukan sahaja mampu menyumbang kepada kebersihan sepanjang kawasan Bukit Dinding malah memupuk semangat mencintai alam sekitar serta menghargai khazanah alam yang tidak ternilai harganya khususnya hutan simpan yang berada berhampiran dengan bandaraya Kuala Lumpur. Sampah-sampah yang berjaya dikutip dianggarkan seberat 10KG dimana sebahagian besarnya adalah sampah-sampah kategori yang boleh dikitar semula.

Aktiviti pendakian yang mengambil masa lebih dari dua jam turun dan naik itu telah disertai oleh seluruh warga MPOU dengan diketuai oleh Kol Mahadzer bin Amin TUDM – AKS A7 MPOU.

